

職方典第四百九十九卷

西安府部彙考九

西安府公署考

通志州縣志合載

本府 長安咸寧二縣附郭

府治在省城內近西明洪武二年建 經歷司署 照磨所署 司獄司署俱在府治

內 稅課司署在府治東 陰陽學在府治東 醫學在府治西 永豐倉在府治

西北 總督府在府治西南

皇清康熙元年總督白如梅拓修書院舊址 巡撫都察院府在府治西北明宣德七年建

巡按御史察院署在府治西北明萬曆二十三年建今裁官署廢 承宣布政司署在府治

東明洪武七年建 經歷司署 照磨所署 理問所署 廣積庫俱在本司內

糧儲道署在布政司內 分守關內道署在布政司西明成化十年建今裁官 提刑按

察司署在府治西 經歷司署 照磨所署俱在本司內 清軍驛傳道署在按察司

內今裁官

提督學政署舊設書院西今在司內

分巡關內道署原設州後建於司

內西南今裁官

長安縣治在府治西舊縣治唐時在京城內韓建築新城又築東西二小城爲長安咸寧二縣治所故縣治在西郭小城中宋金元皆因之明洪武四年移於今治申明旌善二亭在縣前縣治自明季以來漸就傾圯

皇清知縣事山右梁禹甸修之有記

巡茶察院署在縣治東南

預備倉在縣治西北又治

西小倉康熙年間知縣梁禹甸修

養濟院在縣治北

咸寧縣治在府治東三里唐宣陽坊東南隅萬年舊基也宋在城外東郭小城唐故處元因之泰定至正間縣尹唐兀王義繼修明初置署城內洪武間營建歲久傾圯嘉靖二十三年知縣馬珮復加脩理以獄鄰養濟院關防弗便改置之視昔更加密緻給事中王準爲記萬曆十二年知縣李生芳復葺三十四年辰陽滿朝薦更爲修葺撤縣前浮簷樹以松柏其堂階神祠解屋門亭庫獄皆詳載碑圖土地祠昔在儀門外賓館之左崇禎間知縣宋吧移置儀門右縣官

宅偏後堂西隅規模屈隘崇禎五年知縣閻思學度地鳩工於後堂後市民隙地一區構大生樓五楹左右廂房各三楹前建退食軒易舊宅爲幕館長安知縣張希夏爲記 縣丞署在

縣堂右 主簿署今廢 典史署在縣丞署南三署各一廳宇如制 獄男監一在儀

門內西女監一在捕衙西倉一在大門內咸舊無縣倉罪無大小皆繫獄

皇清康熙三年知縣黃家鼎始於監之東南隙地修倉一處而罪犯始分輕重矣 察院今爲書

院 清軍廳署在刑廳東 撫民廳署今爲稅課司 監收廳署今廢 理刑廳署

在府治對過今裁 管糧廳署卽刑廳署 南織造局今改爲錢局 北織造局今廢

接官廳在東關外卽古擲筆園更衣廳今廢爲孤貧墳 道紀司 僧綱司長安咸寧兩

縣僧道司隸焉 預備倉在縣治西南內三廩十一楹中建神祠門南向明萬曆間知縣戈

大本又設社倉一十三所每倉置社長一社副二以義民爲之分貯額穀春給秋徵率以二分

行息立法之初非不稱善厥後胥役收放因緣爲姦逋則分任其耗償則私侵其息子母數不

相當額穀日見消耗雖有簿牘之報總虛籍耳甚至民不願領且增息強給企取盈數究至官

民兩困卒罷 草廠無定所聽上轉移

外州縣

咸陽縣治在城內西北明洪武四年建大門三楹門內東寅賓館三楹土地鄼侯祠三楹收糧房三間儀門三楹中戒石亭正堂五楹抱廈一間堂東庫樓一座吏戶禮三房房後馬廐二十間知縣江山秀創建堂西兵刑工三房南爲犴狴大門左右旌善申明二亭縣宅在正堂北縣丞署在正堂東 典史署在正堂西 東察院在縣東明洪武四年縣丞孔文郁建西察院在縣西明正統六年知縣王瑾建 南察院在縣南明萬曆元年知縣賀愈建司署在縣西遞運所

興平縣治在城內東南元至正十二年建明洪武十二年知縣沈訥成化知縣王琮嘉靖知縣郭孔完相繼增修中爲正堂前爲王道坊爲喜中樓爲儀門爲戒亭左右爲六房後爲五喜亭都御史陳講少卿李鳳毛記爲可爲堂爲敦仁堂先是知縣朱文地震後脩醴泉劉永興平吉來獻記申明亭在縣左旌善亭在縣右知縣章評修今圯無存儀仗舊在工房內知縣章評遷

於琴堂右蕭曹祠舊在獄內西知縣章評建於琴堂左有記獄舊在縣門內東地震頽敗知縣章評脩於儀門外西取肅殺也今在儀門內東庫在蕭曹祠後知縣章評修鐘鼓樓舊在縣前知縣章評改於東南城上聲徹四野可做園在王道坊右真儒堂後知縣章評以爲種蔬圃以給公用取咬菜根意也故曰可做云今廢

縣丞署

典史署在東西

預備倉舊在

縣署南地卑濕頽圯知縣章評修於寶寧寺後高其綠垣堅其廩宇今仍舊址

僧會司在

寶寧寺有鐘樓寺僧題曰景陽樓冉曾記知縣章評重修

道會司在開化觀內有喜幸堂

卽鄉約會所道士張演虎蒼民王股重修

陰陽學在縣前

醫學在縣前俱知縣章評

建今俱廢

察院在縣署東知縣沈訥建知縣王琮增脩

布政司行署在縣署東知縣

沈訥建知縣王琮增修今廢

按察司行署在縣署東南向北今爲南司

長寧分司署

卽古長寧驛也傾頽則與武功縣合修

西司署在縣治西南向北

養濟院舊在縣治

東南狹小不蔽風雨孤老餽賃以居今移於預備倉左右人各一舍濟其飢寒醫其疾病葬其死亡

臨潼縣治在城南明洪武二年建弘治癸亥重修嘉靖甲辰知縣李裔芳改修視昔

增倍焉其制大門上建鼓樓三間儀門三間左建鄧侯及土地祠右舍名思以祀先令之有功
德於民者今爲關帝廟內戒石亭大堂五間前接捲棚堂右爲庫藏其下爲六房東西相向後
堂五間儀門右爲獄獄之南爲倉門外鄧侯祠前爲賓賓館知縣馬民牧所創建也知縣宅在
大堂後左大門外則旌善亭居左申明亭居右焉 縣丞衙在大堂右 主簿衙在縣丞
前今改馬房 察院在縣東 布政分司署在察院東 東府廳署在縣左 按察
司行署 西府廳署今俱廢 陰陽學在縣治北 醫學在縣治東 僧會司在吉
祥寺 道會司在城隍廟 預備倉在縣東右爲草廠 府倉在預備倉前之左俱知
縣劉應聘建 養濟院在縣西北一在倉前

高陵縣治在城內正中南面宋曰不欺堂徽宗政和六年知縣李文開建主簿焦稹撰記正廳
五楹幕廳在東儀門北有戒石亭元延祐元年知縣盧佐所立鑾輿庫在吏房北亦西面廳西
有屋南面爲獄神祠以獄在工房東南也庫在正廳東西室知縣宅在退思廳後 縣丞衙
典史衙俱在退思廳後皆明景泰三年知縣楊清重建 稅課局在西街興國寺之東南面

元宋以前雖毘沙渭橋二鎮皆設稅官自縣析減後俱罷之明景泰間又以縣小復革縣局官稅則仍如舊 鴻臚館在迎翠門南十有八里未詳建置之由或曰元置今廢 陰陽學

在縣治東

醫學明正統五年建在縣西北隅後廢弘治初知縣劉安建於新街東南面二

櫺華又圯廢知縣楊剛令醫官郝九臯督工建造於按察司東偏 僧會司明宣德元年建

在西街西偏興國寺中南面正統元年僧人謙守一重建

道會司明正統十年建在又元

觀觀在城隍廟巷中南面景泰元年道人鍾子鳴重建其街南故有里長房 預備倉在縣

治東

布政司行署在新街之西南面明正統元年建天順八年知縣馬政重建然正堂卑

淺東無廂房大門土築二墩空其中以爲門後堂亦隘嘉靖四年知縣鄧興仁悉撤之建正堂

後堂皆五櫺廂房皆三櫺平其墩爲大門三櫺二門角門皆新建之大門外東拓地殆三丈爲

官廳亦三櫺成化中叅政西蜀鄧山至此嘗有題

按察司行署在預備倉東南所謂蓮池

者在其前東偏也明正統元年建天順八年知縣馬政重建成化十年知縣張傑重修嘉靖四

年知縣鄧興仁重建前中後皆五櫺門廳亦如布政司前提學馬中錫嘗有題

府廳署在

中街南偏東面不詳建置年月其褊淺自門至後垣不及十餘丈明嘉靖四年知縣鄧興仁改建增飾視舊煥然新矣 養濟院在西街明弘治初知縣劉安建正德十四年知縣翟清改建於又元觀後塔寺巷東面

鄆縣治在城內東隅大門爲四明樓康熙二十一年知縣康如璉改造門內東爲賓賓館張宗孟重修館北爲土地祠三楹儀門三楹中戒石坊正堂五楹東西爲庫房北爲倉堂東西爲大房南爲獄堂北爲思補堂西北爲縣宅 典史署在正堂西南 察院在西門內崇禎十

年知縣張宗孟重修 按察司行署在縣治東明洪武九年知縣許訢建後改爲明道先生

祠張宗孟重修 布政司行署在縣治西明正統五年知縣徐純建今廢 府署在縣治

前西北向知縣張宗孟脩今廢 陰陽學在縣治北明洪武十六年訓術陳謙建今不知其

處 醫學在縣西街南向明洪武十六年訓科唐允中建今失其處 僧會司在縣東南

四十里棲禪寺明洪武十六年僧會明建 道會司在縣東秦渡志道觀明洪武十六年道

會趙祐建 社倉麥穀約六千六百有奇明萬曆元年創置後廢社倉老人乾沒無考賠累

遁逃知縣白陸續復數今廢

養濟院舊在東郭門外今移置東門迤南城下東向正缺二

十八名

藍田縣治在城正中明洪武四年建嘉靖二年王科重建堂廡二十二年趙師道於儀門外建糧馬房二十間二十七年呂好古悉鼎新之萬曆十五年楊培毀糧房爲預備倉三十一年王邦才移旌善亭於大門內三十三年董思聰復建糧房四十四年沈國華重修焉稟廳在堂東縣宅在堂後庫藏在堂兩掖賓賓館在二門外公廡在六房後犴狴在二門內今改二門外

主簿衙在堂西

典史衙在堂東南今俱傾圮無存而典史貧民屋矣

陰陽學在縣南

門內

醫學與陰陽學並今俱廢

僧會司在縣南門法華寺內

道會司在縣東岳

廟內

察院在西門內

按察司行署在縣署南偏西今廢

布政司行署與察院並

會文館在北門外明萬曆四十三年沈國華創建今廢有基址存焉

防守廳在南蒿坪明

萬曆四十年署印經歷劉常吉建

演武廳在北關久廢知縣郭顯賢重建

社倉每里

各一俱擇寺觀之寬敞者建設之以貯社穀

教場在城北

養濟院在南關街之西王

邦才置 漏澤園

涇陽縣治在南門大街東百步許署不知創自誰氏元大德間集賢學士蕭剌重修明弘治間知縣宋鑑重修嘉靖間知縣屈諫起大門爲重樓崇禎間知縣高去奢以陰陽家言稍抑焉縣治西舊有申明亭旌善亭今俱廢 縣丞署在縣堂東 主簿署在縣堂西今簿裁署廢

典史署在丞署京之南 預備倉在惠果寺東知縣翟廷南增脩之視舊宏麗倉後故草廩

也併入倉內 稅課局在鐘樓街東惠果寺前左建自明洪武初嘉靖間以稅少廢 陰

陽學在縣治後偏東北向今廢 醫學在陰陽學左今廢 僧會司在惠果寺內 道

會司在北極宮內 西察院在縣治西故元屯田總管府故明按察分司也 東察院在

縣治東五十步許故明布政分司 北察院在惠果寺西與城隍廟鄰乃故廣盈倉明嘉靖

間鍾岱改脩 南司署在縣治街南乃道府公署明末時廢爲馬廐 水司署在洪口古

洪門監也故有水利僉事一員駐節督水中門外東府衙西縣衙則管水府同知及縣主簿治

今廢 養濟院在城隍廟西知縣暢亨建知縣王際有重修

三原縣治在城南門內街東巷內坐北向南元至元二十四年自東北舊縣徙於此縣尹郭真建明洪熙元年知縣宋麟重脩 關內道署在縣治北明洪武二年縣丞仰山建十年知縣

吳自當重修天順六年知縣莫謙又修 布政分司署在縣治北白渠北岸向南明正統六

年始置知縣楊聰建 府廳在縣治西天順二年知縣朱莆建 稅課局在譙樓北明洪

武間知縣杜康重建 陰陽學原在縣治北明洪武七年知縣杜康重建 醫學原在縣

治北明洪武七年知縣杜康重建弘治四年知縣馬龍移置二學於縣治前 僧會司在縣

治北西觀音寺明洪武年開設 道會司在縣治北龍陽宮明洪武年開設

整屋縣治在城東北卽宋元舊治明洪武二年修正堂左庫樓陶甕礮石爲之知縣梁克從建石室三楹貯鹵簿羽儀前左右爲六房循右而南爲圍屏有鄧侯祠內爲戒石亭庾臺有新有故新者以避紅腐就爽塏故者拘繫罪人前爲儀門外左爲土地祠右爲賓賓館東西故有廡後廢知縣何起鳴東建彰善癉惡亭西建優老恤孤亭前大門故卑隘知縣蕭選建樓三簷高三丈置鐘鼓其上直更後圯知縣黃嘉樂重葺堂後知縣李春芳建退思堂後爲知縣宅

縣丞署在堂西

主簿署在縣丞宅西今官裁署廢

典史署卽主簿宅改其儀門西典

史宅今廢益入吏舍

察院故有正堂後有內廳通寢房明知縣李承恩建寢房及東吏舍

西廚房皆知縣李春芳建前左右爲皂隸房中儀門左右小門前爲大門左右爲聽事房兵燹後廢爲平壤

皇清知縣駱捐貲庀材營建一新內外皆備

布政司行署本城隍廟地門室寢廚吏役所止舉

無不備今廢

關內道署民居環繞基址淺狹門堂寢廚吏皂所止俱備明知縣何起鳴修

今廢

十八盤巡檢司署在縣西南一百里

柴家關巡檢司署在縣南一百七十里明

正德十六年知縣王賜奏設官吏各一弓手各四十先是山險路遠居人鮮少仇家盜徒往往殲人無忌設官之後其患始息今缺裁

稅課局明洪武四年建正統元年革正德十二年

師御史以局基令鄉民輸直爲脩儒學費

陰陽學在縣治西學址丈餘久空明知縣李春

芳以縣右小巷直大街隔民居不能通乃與民互易且增直通爲新街今圯

醫學在縣治

西學址二丈餘故有小門屋後因備賑易於鄰民爲居明知縣何起鳴創設二學於新街書院

左今圯 僧會司唐景龍二年爲瑞光寺宋太平興國三年改崇明寺後毀明永樂六年僧宣運復建爲善勝寺卽僧會司也

皇清鼎興仍爲瑞光寺 道會司卽太清觀金丙辰年道士賈本州在城夾谷宣尼宅院一所號

爲太清觀 養濟院故在學巷內西以脩學取土爲坑不能居孤老乃改菴巷興仁里社學爲養濟院東西屋各三間明知縣何起鳴創建南廳三間門一間

渭南縣治在城中仁和街北明洪武初吳丞雲創建成化中周尹寧重修嘉靖三十四年地震圯李尹希雒草創首事焉後數年始重建縣治中爲牧愛堂趙尹雲程建堂左爲庫劉尹翺建重加瓴甃右爲幕廳前爲戒石亭東西房科又前爲大門有臺螭以瓴甃上爲麗譙皆翺建大門內爲儀門左寅賓館右土地祠皆隆慶中帥尹祥建儀門內西爲犴狴亦劉尹翺所建後相繼增脩由儀門內折而東爲鑾駕庫張尹棟建卽舊鄼侯祠基也堂後舊有退省堂今尙闕又後爲尹宅申明旌善二亭舊在大門外東西對列地震後劉尹翺并建大門東增瘴惡亭共三楹 縣丞署在鑾駕庫東 主簿署在幕廳西 幕署在簿宅西皆前尹所建者屢經

增葺

按察分司署在儒學西仁和街北大門右爲官廳又東西各有馬道明嘉靖中王尹

宮用重建

分守道署在縣左街南卽周尹寧創立府館也王尹鑑改焉

兵備道署在

南廂街北今名曰西察院卽舊豐原驛地也明嘉靖中劉尹翺建

分司署俗名新司在儒

學前街南明嘉靖中李尹希雒勦建

府館在分守道左此舊總鋪也王尹鑑改而增修明

萬曆初帥尹祥重修

停驂別署在遞運所左側先爲劉尹翺生祠明萬曆中詔天下有司

撤生祠張尹棟改爲公署卽舊草場地也

陰陽學與醫學近

醫學在縣治南

社

倉舊有下邳倉頭慶寺杜化四倉明成化中周尹寧建後皆圯爲荒區矣隆慶中帥尹祥奉檄建於赤水倉頭田市孝義憑信杜化員曲獨孤諸鎮及黃家屯張胡趙二村凡一十一倉酌用古義倉常平法鄉民賴之

預備倉舊在布政分司東草場卽在倉南地震後倉建於縣治

左側而草併入倉便綜核耳尋以舊址給償築城時占過民田業皆比居輸稅矣今倉廩日增

且時爲係縲所草不復入矣

外草場按舊志東關街北故有進貢馬廐年久土人侵之明

成化間周尹寧按復之改爲外草場正德初附勢姦民假名獻之秦府遂爲府人竊據扁曰秦

藩馬廐

鄉約所皆儼於各鄉寺廟中

養濟院二一在東關北巷中一在引華門外神

川原北麓明萬曆中楊尹所脩割壇地創建

富平縣治在城內西北明洪武三年主簿陳忠信創建成化十八年知縣張本增後堂三楹爲五楹吏房在堂下左右共二十四楹知縣郭鎔建鐘樓在縣前左知州鄧真建鼓樓在縣大門知縣胡志夔建親民堂五楹捲棚三楹儀門三楹知縣趙桐建堂右翼室三楹暨宣化坊知縣史燦建左翼五楹暨戒石亭知縣楊守川建縣宅在堂後申明亭旌善亭在縣門左右縣丞署在親民堂後之左主簿署在親民堂後之右典史署在丞署之左稅課局

在宣化坊居縣門南大街之左西向明洪武三年主簿陳忠信大使姚中嘉靖初以稅不百金例罷之今廢陰陽學在縣治東興教坊明洪武十五年訓術趙寅建今廢醫學在縣

治東興教坊明洪武十五年訓科惠應善建今廢僧會司初在縣治東南通靈坊興國寺

明弘治十五年僧會志寶掌之正統八年知縣高應舉遷之縣西靈感寺萬曆間知縣劉兌改

於縣左寶村興國寺中

道會司在縣治西迎恩坊道院內

縣倉初在縣內後改於興

國寺舊址 預備倉在縣治東興教坊明正統八年知縣高應舉徙興國寺遂於寺址建倉

草場在縣西百步許卽今新城 北察院在縣治北知縣劉兌拾學遺材以鼎建者計費幾

中人產一毫不擾閭里 布政司行署在縣東門內大街之北明正統十三年建 按察

司行署在縣大街東之北明洪武九年縣丞芮彌建 府館在縣南街東之北明嘉靖間主

簿喬元相修隘甚知縣劉兌展左址益以材亦美麗 美原巡檢司在縣東北九十里明洪

武三年以裁美原縣設之迄十五年裁去 養濟院在縣倉之東

醴泉縣治在縣舊城明洪武二年縣丞楚玘徙於今城內南正統四年知縣胡璉建正廳三間

贊政堂三間左幕廳右儀仗庫東架閣庫二間書吏六房東西十四間儀門三間角門二座戒

石亭一座廡房十八間土地祠三間在儀門外東獄一所在儀門內西儀門外東西各設收頭

房東寅賓館大門三間申明旌善二亭在大門外東西榜房七間在大門南知縣宅在縣堂後

吏舍在監後鐘樓建於舊城東南隅當異地 主簿宅在堂東 典史宅在堂西南

布政司行署在縣治南新城內明正統九年知縣胡連建 按察司行署在縣治東舊城內